

Իմ կրթական ուղին և ապագայի նպատակները

Ես Սամվել Հարությունյանն եմ Հայաստանից, և իմ կրթական ճանապարհը ձևավորվել է տարբեր ոլորտների նկատմամբ հետաքրքրության, նոր բաներ սովորելու և իմ գիտելիքները գործնականում կիրառելու ցանկության շուրջ: Դպրոցում սովորել եմ տնտեսագիտական ուղղությամբ, ինչը ինձ հնարավորություն է տվել զարգացնել վերլուծական մտածողություն և ավելի լավ հասկանալ, թե ինչպես են մարդիկ, կազմակերպությունները և հասարակությունը փոխկապակցված: Միևնույն ժամանակ, դպրոցական տարիներին ակտիվորեն ներգրավված եմ եղել տարբեր նախաձեռնություններում, այդ թվում՝ որպես դպրոցի խորհրդի անդամ, ինչպես նաև կամավորական և թիմային աշխատանքներում:

Ինձ համար հատկապես կարևոր է եղել այն փորձը, որը ստացել եմ կամավորական գործունեության ընթացքում: Մասնակցել եմ բնապահպանական և սոցիալական նախաձեռնությունների, այդ թվում՝ Հայաստանում թունաքիմիկատների օգտագործման վերաբերյալ հետազոտական աշխատանքների, ինչպես նաև COP17-ի շրջանակում իրականացվող բնապահպանական նախաձեռնություններին, որտեղ նաև համակարգել եմ կամավորների փոքր խմբերի աշխատանքը: Այդ փորձը ինձ սովորեցրեց ոչ միայն պատասխանատվություն ստանձնել և աշխատել թիմի հետ, այլև հասկանալ, որ կրթությունն արժեքավոր է այն ժամանակ, երբ այն կարողանում է օգտագործել իրական խնդիրների լուծման համար:

Ես ընտրել եմ Zhejiang University-ն, քանի որ այն ինձ հնարավորություն է տալիս ստանալ միջազգային կրթություն և միաժամանակ զարգանալ այն ոլորտում, որն ինձ իսկապես հետաքրքրում է՝ Communication (Global Communication and Management) մասնագիտությամբ: Ժամանակակից աշխարհում արդյունավետ հաղորդակցությունը կարևոր է ոչ միայն մեդիայի կամ բիզնեսի, այլև միջազգային հարաբերությունների, կազմակերպությունների կառավարման և հասարակական զարգացման համար: Ինձ հետաքրքրում է հասկանալ, թե ինչպես կարող են հաղորդակցությունն ու կառավարման հմտությունները օգտագործվել տարբեր մշակույթների և մարդկանց միջև համագործակցություն ստեղծելու համար:

Zhejiang University-ում սովորելը ինձ համար նաև հնարավորություն է լինելու սովորել Զինաստանի և աշխարհի տարբեր երկրներից ժամանած ուսանողների հետ: Կարծում եմ՝ նման միջավայրը ինձ կտա ոչ միայն մասնագիտական գիտելիքներ, այլև տարբեր մշակույթների, մտածելակերպերի և միջազգային համագործակցության ավելի խոր ընկալում:

Իմ երկարաժամկետ նպատակն է զարգանալ միջազգային հաղորդակցության և կառավարման ոլորտում և հետագայում իմ ստացած գիտելիքներն ու փորձը կիրառել Հայաստանի զարգացման համար: Ցանկանում եմ աշխատել այնպիսի նախագծերի և կազմակերպությունների հետ, որոնք կապում են Հայաստանը միջազգային գործընկերների, բիզնեսների և կրթական կառույցների հետ: Ինձ համար կարևոր է նաև Հայաստանի մասին միջազգային միջավայրում ճիշտ և դրական կերպով ներկայացնելը և այն կապերի օգտագործումը, որոնք կստեղծեմ արտերկրում սովորելու տարիներին:

Կրթությունն ստանալը ինձ համար միայն անձնական հաջողության հասնելու միջոց չէ: Ես ցանկանում եմ օգտագործել այդ հնարավորությունը՝ ձևավորելու մասնագիտական կարողություններ, որոնք հետագայում կարող են արժեք ստեղծել նաև իմ երկրի և հայկական համայնքի համար: Zhejiang University-ում սովորելը այդ ճանապարհի կարևորագույն քայլերից մեկը կլինի: